

太上九赤班符五帝內真經 通十一

九赤班符一名羽中林飛天九符元始天王藏之於上清瑤臺金房玉室之中神真煥明流光曜空四極監試五帝衛真太上以雲宮玉童三百人上元又以西華玉女七百人侍典靈文神標上清威嚴九天制魔滅核誅斬羣凶封掌名山攝召水神總統德德領括萬仙五嶽四瀆及後學者身部以神兵罰過賞功九千年則九天一開九天開其文則明五嶽之室玄授得道之人自無仙骨玉名刻書來生不得見其篇自有得其文便為五嶽之師宗四海之君王奉之者慶延七祖之魂福流九種之親修之者刻成上清高仙真人九赤者乃九元之炁飛玄羽章結成玉文元丈人以傳太上大道君元始天王以傳南極上元君太上以傳扶桑大帝太帝以傳太微天帝君太微天帝君以傳後聖金闕帝君以傳上相青童君南極上元君以傳洪崖先生太極四真人炁炁相傳皆刻書金簡結以紫篇盛以雲錦之囊封以三元之章藏以鬱森之

蓋秘於九曲之房玉仙典香太華執巾四司監映五帝衛軒三元晏禮萬仙朝真其道至妙依科七千年一傳輕泄宣露傳非其人七祖獲考身設河練後學勤心苦思求仙精誠感於太虛冥德合於三元玄挺應會自得此文得佩真符始可涉歷於玄嶽託身於幽山役九赤以封丘命五行以招神伴水帝以削罪攝海靈以通源則罪籍滅落於九府生錄刻注於三清炁震溟波威攝萬靈羣魔滅試仙官降形運策六

甲制御天丁通幽徹微逆觀未生故能神仙飛行上清夫學不見九赤白羽中林飛天九符則五嶽不領玄名四海水神不為地削滅罪簡勒注三清也遊行川澤隱居幽山不佩此文則山靈天魔試欺其首萬害自生終不成仙水帝結書列罪帝君也

五嶽五帝內思變化真形求仙上法凡入東嶽思東方青帝神閉眼即見真形者其人則五官結氣六藏生真九府洞朗內無

滯根和音震響妙理明通此人皆上仙之才也故道為之即降神明為之感會則仙不移年而成也若見青炁鬱鬱亦其方正神虛映之炁也則道有漸也若見黑氣則上真本生之號虛映之官監試於此身若見赤氣則洞生之官虛映之炁來衛兆身也若見黃炁則嶽

所使之官虛映之炁未給地通真也此悉無恠依本而行事久久道自感而降焉若見白炁則天魔空中之精來干試飛身當叩左齒三十六通而誦金玄章之祝一遍則魔精自滅真自來降也

凡入南嶽思南方赤帝神閉眼即見真形者其人則骨結玉霜炁參神官丹臺刻簡結錄紫篇幽悟冥塗逸浪虛庭觸類無滯靜思感真此人皆上仙之才故道為之即降神明為之感會也如此則仙不移年而成若見赤炁亦其方正神虛映之炁也則道有漸也若見青炁則上真本生之號虛映之官來監試於此身若見黃炁則洞生之號虛映之官來衛兆身若見白炁則南嶽所使之官虛映之炁

來結死身通真也此悉無恠依本行事久久  
道自感而降也若見黑炁則空中大魔之精  
來干試死真也此當叩左齒三十六通誦金章  
滅魔之祝一遍則魔精自滅真自降也

凡入西嶽思西方白帝神閉眼即見真形者

其人則肺有金闕六宮納真通幽達靈迴釋  
玄元內無礙滯外無欲塵故名書金格錄字

上清此人皆上仙之才也故道為之即降神

明為之感會則仙不移年而成也若見白炁  
亦其正神虛曠之炁也則道有漸也若見黃

炁則上真本生之號虛曠之官監試於炁身

若見黑炁則洞生之官虛曠之炁來衛炁身

也若見青炁則西嶽所使之官虛曠之炁來

結炁身通真也此悉無恠依本而行事久久  
自當感真而降焉若見赤炁則空中大魔之

精來干試死真也此當叩左齒三十六通誦  
金玄章滅魔之祝一遍則魔精自滅真形自

降也  
凡入北嶽思北方黑帝神閉眼即見真形者  
其人則玄挺標晨五心結絡炁卷紫天玄書

北元刻簡青宮朗照幽室通神達微此人皆  
上仙之才也故道為之則降神明為之感會  
則仙不移年而成也若見黑炁亦其正神虛

曠之炁也則道有漸也若見白炁則上真本  
生之號虛曠之官監試於炁身若見青炁則

洞生之官虛曠之炁來衛炁身也若見赤炁

則北嶽所使之官虛曠之炁來給此通真也  
此悉無恠依本而行事久久自當感真而降

焉若見黃炁則空中大魔之精來干試死真  
也此當叩左齒三十六通誦金玄滅魔之祝

一遍則魔精自滅真形自降也  
凡入中嶽思中央黃帝神閉眼即見真形者

其人則絳府生華赤子納仙理幽綜滯味景  
霄清名書帝室圖影三元此人皆上仙之才

也故道為之即降神明為之感會則仙不移  
年而成也若見黃炁亦其正神虛曠之炁也

則道有漸也若見赤炁則上真本生之號虛  
曠之官監試於炁身若見白炁則洞生之官

虛曠之炁來衛炁身也若見黑炁則中嶽所  
使之官虛曠之炁來給此通真也此悉無恠

依本而行事久久自當感真而降焉若見青  
炁則空中大魔之精來干試死真也此當叩  
左齒三十六通誦金玄之章滅魔之祝一遍  
則魔精自滅真形自降也

五嶽內思刻名定仙上法

太上九赤鎮嶽求仙班符  
束嶽青帝內思甲乙入木九炁班符東方青

帝君姓常諱精萌頭建九元通天冠衣青錦

被碧飾飛裾佩太一九炁命靈之章帶翠羽  
交靈之綬常以立春之日乘碧霞九龍雲輿

從青腰玉女十二人手把青杵之華九色杖

幡遊行東嶽太山校定真人仙官錄札時詣東

海水帝考算學道功過罪目迴降佩符者身


學者服其符以招其人存其炁以降其真求  
削水帝之簡上名玉札之篇當以立春之日

平旦沐浴齋靜入室燒香服甲乙入木九炁

班符叩齒九通思東方青帝君姓常諱精萌  
衣服形色乘碧霞雲輿下降兆房青炁鬱鬱  
覆滿一室冠匝已形存見帝君青炁之中化  
為赤光如歲星之精赫赫照明從頭頂而下

入兆身中光明洞映肝部之間便引炁九咽  
覺身中薰熱須臾赤光於內散從九孔中出  
迴合還地頭頂之上化成青雲覺兆身在青  
雲之中隨雲而昇良久覺定豁如踏空便仰  
呪曰

太丹隱齋迴合九門玄虛舉真赤班早分帶  
甲入木乘乙御雲上制五嶽封丘召山下告  
九河十二水源落除宿簡列奏玉篇掌錄我  
真青帝之君降我碧霞飛青羽翬與帝合景  
奏謁玉晨畢又叩齒十二通咽液二十四遍  
止行之九年則能書符投山山降雲雨儻欲  
冥書符投水水上蛟龍能入萬丈之淵如行  
人中書符於木削之不滅其文轉明帶符抱  
木身成山林東嶽衛以仙官十二人一十八  
年則能飛行上清輕泄此道罰以鬼兵殃延  
七祖身沒河源



太上甲乙入木九炁班符朱書立春之日平  
旦東向服之祝如上法又以正月二月甲寅  
乙卯之日青書桐板之上令廣九寸長一尺  
二寸埋之所佳東嶽令深九尺甲乙唯一日  
也如此法三年一埋不必年年也但存思服

御依節行之亦九年無不感降也此一名白  
羽中林飛天九符一名九變三合成一得見  
其文與五帝同真

埋符之日當東向叩齒三十六通存思青炁  
之雲覆冠一山上下鬱冥東嶽太山君乘九  
色之龍手執青羽之麾從太山仙官十二人  
在青炁之內監映兆身仰祝曰

天通地理二炁交真九亦陽明四度開陳上  
開五帝東嶽泰山下告萬靈無鞅之神削我  
宿對記我此篇滅消魔試使我成仙封賞靈

嶽與炁同煙興雲降雨飛霄碧軒昇入玄虛  
高皇帝前畢埋符如式仰引青炁三十六咽止  
東嶽泰山君常以春分之日列奏真仙已得  
道及始學之人名錄上言高上帝君檢校玄  
名修飛仙之道當以其日出之時沐浴齋

戒燒香入室東向思東嶽泰山君姓玄丘諱  
目陸頭建三寶九光夜冠衣青羽章帔披九  
色班來帶上皇命神之篆乘青雲飛與九色  
蒼龍從十二仙官手把五芝東北而迴上登  
無崖之上玉清之天徘徊玄虛之內青雲之

中當叩齒九通心言今日上節八額開新願  
迴神曲來降我聞納我所求奏我所陳得上  
玉札位係紫篇道君迴映我獲上仙

畢思泰山君乘輿下降青炁鬱鬱覆滿一室  
君慶青炁之中手執青簡注上我名於青簡  
之篇微祝曰

玉真徘徊映明東方乘龍駕與飛行太空迴  
靈曲映下降我房青陽告始上願開通納我  
所陳削過記功刻名青簡列奏高皇西龜結  
錄東華勒方五靈輔翼八帝齊光來甲御乙

出木入空六丁侍衛玉女扶將攝山召海命  
制蛟龍肅風興雲靡不立躬天魔伏誠萬靈  
敬從變景化形上昇玉宮年享泰山水保無  
窮畢仰咽九炁止修之九年則泰山君見形  
於兆前降於青炁之雲給神童九人致自然

神芝能知東方萬里之事一十八年則致龍  
與乘空飛行上昇玉清宮

南嶽赤帝內思丙丁入火三炁班符

南方赤帝君姓炎諱洞丹頭連三炁玄輿寶  
冠水緋雲錦袍丹文之帟佩南極制陽之符

帶朱宮八光之劍常以立夏之日乘赤霞颺

輪從太丹玉女十二人乘九色之鳳手把日

精三炁之華遊行南嶽衡山校定真人仙官

錄札及學者之名時詣南海水帝神王考其

學道功過罪目迴降佩符者身學者服其符

以招其神存其炁以降其真削除水帝之簡

上名玉札之篇當以立夏之日正中沐浴齋

戒入室燒香服丙丁入火三炁班符叩齒三

通思南方赤帝君諱字衣服形色乘赤霞颺

輪下降兆房赤炁赫赫覆滿一空冠匝已形

存見帝君在赤炁之中化為慈慧星赫赫照

明從頭頂而下入兆身中光明洞曠心宮之

間便引炁三咽覺身薰熱須臾熒惑星於心

散為赤炁從九孔中出迴合還兆頭頂之上

化成赤雲覺兆身在赤雲之中隨雲而昇良

久覺定豁如踏空仰祝曰

三炁迴元飛天九清白羽中林入微洞靈帶

丙耀光乘火入丁中真混合上化景星制御

萬炁封山召靈符攝九河十二水精削滅九

陰宿簡之名與雲降龍丹霄朱駟八景迅虛

流火鬱冥飛輪紫蓋乘運我形乘虛躡浮上

造玉庭受鍊洞陽五神鮮明永享天眉與帝

合并畢又叩齒九通咽液十二過止行之九


年則能書符投山林自生火書符投水上

蛟龍書符投山山降雲雨帶符入火身則不

然理符南嶽則得仙官侍衛兆身十八年則

能飛行上昇玉清輕泄此道殃延七祖身沒

鬼官長閉地獄不得成仙



太上丙丁入火三炁班符朱書立夏之日正

中南向服之祝如上法又以四月五月丙午

丁巳之日朱書桐板之上令廣八寸長一尺

二寸埋之所住南嶽令深八尺丙丁唯一日

也如此法三年一埋不年年也但存思服御

依節行之亦九年赤帝君衡山君無不降見

於兆形也此一名三合成道九真中符一名

九合入微幽虛七變得見其文五帝齊真刻

成上仙埋符之時自南向叩齒二十四通存

思赤炁之雲覆冠一山之上南嶽衡山君乘

赤龍雲車手執赤羽之節從衡山仙官十二

人在赤炁之中監視兆身仰祝曰

丹靈洞陽上總天達九變三合乃成道宮赤

景班符威御萬方今日上節三炁開通上關

五帝告文靈峯削我宿負列名高皇使我道

成變化玄空封掌靈徵召海策龍興雲降兩

萬向立從飛霄赤輪昇入帝房八炁并景三

元齊光畢埋符如式仰引赤炁二十四咽止

南嶽衡山君常以夏節之日列奏真仙已得

道及始學之人名錄上言高上帝君檢校玄

名區別功過修飛仙之道當以其日中之時沐浴齋戒入室燒香南向思南嶽衡山君姓爛諱洋先頭建八朗寶光玉冠衣赤錦飛羣披神光緋文之表帶封靈制魔之章乘赤霞飛輪從南嶽仙官十二人悉乘飛鳳手把神芝東南而迴上登無崖之上玉清之天徘徊空虛之內赤雲之中當叩齒三通心言今日上吉良辰應真玄願普降竟天納新願乞道君值迴上仙飛輪羽蓋下降我身道君迴降我成帝臣名言上清東華結篇畢思衡山君乘赤霞飛輪下降兆房赤炁鬱鬱覆滿一室君在赤炁之中手執赤簡注上我名於赤簡之篇微祝曰

未陽乘晨徘徊九霄丹輿飛蓋洞煥霞家曲迴下曠監我心翹上願所陳莫不感幽抑披靈衛形與神交書名丹臺結宇南瑤六丙翼真乘丁入颺攝山封海命制萬秋千精伏竄羣魔皆消南嶽既掌三元表招降致朱駢昇入皇朝三景齊靈後天而凋畢仰咽三炁止修之九年則衡山君授兆寶書給仙官八人

降致神芝奇異之物能知南方萬里之事行之十八年則致赤雲之輪飛行太空中昇玉清之宮

西嶽白帝內思庚辛入金七炁班符

西方白帝姓混諱奉歸頭建七炁明光寶冠

衣白錦雲光之袍素錦飛羣佩素靈之絃龍

翹錚誕之劍常以立秋之日乘素雲飛輿從

太素玉女十二人白虎手把七色華幡遊行

西嶽華山校定真人仙官錄札及學者之名

時詣西海水帝梓王考算學道功過罪目迴

降佩符者身學者服其符以招其人存其炁

以降其真削除水帝之簡上名玉札之篇當

以立秋之日曠時沐浴齋靜入室燒香服庚

辛入金七炁班符叩齒三通思西方白帝君

諱字衣服形色乘紫雲飛輿下降兆房白炁

奕奕覆滿一室冠巾已形存身帝君在白炁

之中化為太白星赫赫照頭頂而下入

兆身中光明洞燦肺部之間便引炁七咽覺

身薰執須臾太白星於肺中散為白炁從九

孔中出迴合還光頭頂之上化成白雲覺也

身在白雲之中隨雲而昇良久覺定豁如踏空仰祝曰

七炁飛精西華金靈龍變九道萬物自生日

月過度飛羽陸冥幽虛玄真三合七成變化

入景辛迴景星帝諱符合變化我形上承皇

威部御神兵制山檢海封嶽命精真不咸來

受事我庭與雲起雨降致素駢九龍七虎策

御六丁迅我飛虎出玄入青上造朱月金治

鍊明道遙華堂長保天經畢又叩齒三通咽

液三十二過止行之九年則能書名於石鍊


石成金書符投石石隱兆形書符投山山降

素雲書符投水水上龍精埋符西嶽財給仙

官降致自然神奇異物一十八年修行則能

乘空飛昇玉清輕泄此道罰以神兵七祖負

考長後鬼官慎秘修行尅獲上仙




太上庚辛入金七炁符來書立秋之日晡時西向服之祝如上法又以七月八月庚申辛酉之日朱書桐板之上令廣六寸長一尺二寸埋之所住西嶽令深六尺庚辛唯一日也如法三年一埋不年年也但存思服御依節行之爾九年白帝君及華山君無不降見於兆形也此一名九微入神封靈玄一名赤白自生七變金門得見此道西母降真萬變立成飛昇帝神埋符之時當西向叩齒十二通存思白炁之雲覆冠一山之上西嶽華山君乘白龍雲車手執七色飛行羽節從華山仙官十二人在白炁之中監映兆身仰祝曰六炁徊靈三合成一五雲變化轉九會七帝尊混合神生金室是時何時上願之日所向所求靡不良吉命靈名神羣魔隨滅八道散明我眞榜榜五嶽齊眉與帝相畢畢埋符如式仰白炁二十四咽止

浴齋靜入室燒香西向思華山君姓浩丘諱元舍頭建六元通神飛冠衣白錦飛裙披素錦之裘帶交靈素絞兼霞飛輪從西嶽仙官十二人悉乘十二白虎手把七色華幡西南而迴上登無崖之上玉清之天徘徊空虛之內白雲之中當叩齒七通心言我願飛仙上昇玉清飛入華嶽與帝同靈乞叩道君降我眞形爲我致仙書我玄名畢思華山君乘白霞飛輪下降兆房白炁爽爽覆滿一室君在白炁之中手執白簡注上我名於白簡之篇微祝曰金門煥明白雲魏義四會交真八炁結羅上吉告晨帝靈昇霞迴神下降曲時我家謂我白簡書名西華七眞部仙制御羣魔上承聖威攝小命河興雲降兩龍輪立迴運我飛虛上達靈河所願立至所願立變千變萬化洞明玄霞畢仰咽七炁止修之九年則華山君爲兆致神仙之藥給仙童七人九年能明西方萬里之事吉凶之兆行之十八年降致白雲之輪飛行太空上昇玉清之宮

北嶽黑帝內思壬癸入水五炁班符  
北方黑帝君姓玄諱朔萌頭建五炁玄晨之冠衣玄錦之袍五色飛裙佩七元流鈴帶文身通神之劍常以立冬之日乘玄雲飛輿從太玄王女十二人乘十二飛龜手把五色華幡遊行北嶽拒山校定真人仙官錄札及學者之名時詣北海水帝神王考算學道功過罪目迴降佩者身學者服其符以招其神存其炁以降其眞削水帝之簡上名玉札之篇當以立冬之日夜半沐浴齋靜入室燒香服壬癸水五炁班符叩齒五通思北方黑帝君諱字衣服色形象乘玄雲飛輿下降兆房黑炁勃勃覆滿一室冠巾已形存見帝君在黑炁之中化為辰星赫赫照頭頂而下入兆身中光明洞映腎部之間便引炁五咽覺身薰熱須臾辰星於腎中散爲黑炁從九孔中出迴合還兆頭頂之上化成黑雲覺兆身在黑炁之中隨雲而昇良久覺定豁如踏空仰祝曰五神通眞化系廣陽七元迴靈煥落北方帝

專告令八節御光上總萬仙下統無窮乘炁  
 迅虛迴降我房授我玄符變化流通帶壬入  
 洞負發昇空封掌五嶽制命九江召山與雨  
 符水上龍飛軒紫蓋昇入帝宮畢又叩齒五  
 通咽液十八過止行之九年則能書符投水  
 水上蛟龍停流止波入水如空埋符北嶽則  
 給仙官降致神藥不死之方一十八年坐在  
 立亡乘虛飛行上昇玉清其道高妙不傳非  
 真輕泄靈文七祖負考身設鬼官長充幽徒  
 不得又仙



太上壬癸水五炁班符朱書立冬之日夜半  
 北向服之祝如上法又以十月十一月壬子  
 癸亥之日朱書桐板之上今廣五寸長一尺  
 二寸埋之所佳北嶽今深五尺壬癸唯一日  
 也如此法三年一埋不年年也但存思服御


依節行之兩九年黑帝君及恒山君降見於  
 此形也此一名交昇雲門七變五合一名五  
 靈玄陰中道萬畢有得此文仙道立成行之  
 靈景飛昇氣清埋符之時當北向叩左齒二  
 十四通存思黑炁之雲覆冠一山之上北嶽  
 恒山君乘黑龍雲車手執五色飛仙羽節從  
 恒山仙官十二人在黑炁之中監朕兆身仰  
 祝曰  
 玄武交昇五變成神三合九離乃會玉門上  
 節八願我享其仙安炁鎮靈五嶽保令乘空  
 命虛萬魔來身降致雲與玄輦軒飛行太  
 空上昇帝晨長與北君保命天真異埋符如  
 式仰引黑炁二十四咽止  
 北嶽恒山君常以冬至之日列奏真仙已得  
 道及始學之人名錄上言高上帝君檢校玄  
 名區別功過修飛仙之道當以其日夜半沐  
 浴齋靜入室燒香北向思恒山君姓伏諱通  
 明願建五炁寶履玉冠玄黑錦飛履被玄文  
 明光之裘帶交靈紫綬乘玄霞飛輪北嶽仙  
 官十二人悉乘飛龜手把五色華幡西北而

迴上登無崖之上玉清之天徘徊空虛之內  
 玄雲之中當叩齒五通心言今日上吉八節  
 迴還道君迴降曲躬我身領掌命錄長保天  
 年畢思恒山君乘黑霞飛輪下降兆房黑炁  
 勃勃覆滿一室君在黑炁之中手執紫簡注  
 上我名於紫簡之篇微祝曰  
 玄陰迴靈乘日御晨五炁總真普統羣仙安  
 景上宮徘徊雲陳曲降監朕來我房軒書名  
 玄簡記上玉篇使我通明洞徹入真制命五  
 靈封河召山降龍起雨導雲輿煙飛霄輕輪  
 昇入帝晨畢仰咽五炁止修之九年則恒山  
 君為兆降致玄龍雲輿給以仙官五人招北  
 方神真靈藥洞明北方未然之事吉凶之兆  
 行之十八年飛行上清與北嶽帝君齊保玉  
 真也  
 中嶽黃帝內思戊巳入土一炁班符  
 中央黃帝君姓麻諱忠慎頭建黃晨通天玉  
 冠衣黃錦之袍玄黃飛雲錦扇佩黃帝越元  
 之策帶靈飛紫綬常以太歲之日乘黃雲飛  
 輿從黃素玉女十二人乘十二飛騰手把五

帝華幡遊行中嶽嵩山校定真人仙官錄札及學者之名時詣三河四海十二水帝神王考算學道功過罪目迴降佩符者身學者服其符以招其神存其炁以降其真削字水帝之簡上名玉札之篇當以太歲之日中後沐浴齋靜入室燒香服戊己入土一炁班符叩齒十二通思中央黃帝君諱字衣服形色乘黃雲飛輿下降兆房黃炁鬱鬱覆滿一室冠巾已形存見帝君在黃炁之中化為鎮星赫赫照明從頭頂而下入兆身中光明洞映脾部之間便引炁十二咽覺身薰熱須臾鎮星於脾中散為黃炁從九孔中出迴合還兆頭頂之上化成黃雲覺兆身在黃雲之中隨雲而昇良久覺定豁如踏空仰祝曰

中靈黃元十二飛精五炁混化高皇洞明是日上吉總攝萬靈檢錄校札除罪結生迴真流盼曲降我庭為我落死刻簡紫名輔我太真給我神兵匡制五嶽封山名靈羣魔滅試我道肅清乘戊己洞入無形與雲降雨飛霄紫輿造晏五嶽與帝合昇畢又叩齒十二

通咽炁十二過止行之九年則知三十六國之音知萬淵之下三十六土皇形色書符把玉形與土合理符中嶽則使黃素玉女十二人致自然之厨不死之藥行之十八年則能飛行玄虛上昇玉清秘之神仙輕泄九祖獲考身負三徒克責幽冥



太上戊己入土一炁班符朱書太歲之日日中後向四季服之祝如上法又以三月六月九月十二月戊辰戌戌己丑己未之日朱書桐板之上令廣三寸長一尺二寸埋之所住中央令深一尺二寸四季唯一日如此法三年一埋不年年也但存思服御仗日而行之九年黃帝嵩高山君無不降見於兆形也此一名玄真總暉自生萬度一名神飛九道靈變自然有得此道立昇雲宮埋符之時當向四季叩齒十二通存思黃炁之雲覆冠一山

之上中嶽山君乘黃龍雲車手執玄黃十二節塵從嵩高山仙官十二人在黃炁之中監睽兆身仰祝曰

三素流颺黃雲五纏道合萬變玄虛舉真神安靈嶽道降我身黃白早分記名紫篇封山召河制御羣仙興雲降雨黃霄飛輪乘空步玄上昇高晨畢埋符如式仰行黃炁十二咽止中嶽嵩高山君以三月六月九月十二月戊辰戌戌己丑己未之日列奏真仙已得道及始學之人名錄上言高上帝君檢校玄名區別功過修飛仙之道當以其日中後沐浴齋靜入室燒香向四季思中嶽君姓角諱普生頭建中元黃晨玉冠衣黃錦飛翬披玄黃文裘帶黃神中皇之章乘黃霞飛輪從中嶽仙官十二人悉乘飛驎手把玄黃十二節塵西南而迴上登無崖之上玉清宮徘徊空虛之中黃雲之內叩齒十二通心言天垂上願我享其思念虛降靈恩微致仙中嶽之君結我同軒使我飛行昇到金門畢思嵩高山君乘黃霞飛輪下降兆房黃炁勃勃覆滿一室



君在黃炁之中手執黃簡注上我名於黃簡之上微祝曰

黃靈申玄道翳紫天三合成一結虛而仙掌錄保篇固命度年列名東華記仙中泰五靈監曠使我道鮮出虛入微洞徹九玄身生水


火變景億千乘空步虛飛行無間畢仰咽十二炁止修之九年則與中嶽君對面共言為

兆降致黃龍飛輿給以仙官取自然之物以與兆身行之十八年道成飛仙上昇五清

四海水帝內思除罪削簡上法

太上九赤封海通真班符

東海水帝九源青炁班符



太上九元青炁班符常以立春春分之日分平旦朱書青紙上東向服之行事訖朱書符桐板上記某年某月某日子某郡縣某鄉里某嶽先生某年若干歲某月生於符下以青

石九兩青絲纏之著符下投之東流之水常以其日清齋入室燒香東向叩齒十二通思東海水帝神王姓王諱度源頭建太晨寶明之冠衣青文翠羽飛翬帶七色師子虎頭擊震乘碧輦飛龍從東海水帝十二仙掾乘十

二蒼龍飛行上詣高皇玉帝徘徊青雲迴降我身青炁鬱鬱內外瞻冥神王對坐我前削

我死簡注我仙錄微祝曰

洞淵九源上參玉清分流二炁混合同生上總上真下典兆名是日良吉八顧齊并水帝

削罪記功上靈太一固年保命黃寧形交九

都炁應神精左役天甲右運六丁命山召海降與龍軒運我飛昇上朝三清羽儀翼翼金

瑞玲玲徘徊步空遊宴紫庭下觀水宮水受我形使我長存與劫同齡畢服符仰咽液九

過止便依法投符東流之淵行之十八年水

帝削兆罪簡言玉清降致龍軒飛行太空身入萬丈之淵與水帝對言玄妙之道不得妄

宣也

南海水帝洞源赤炁班符



太上洞源赤炁班符常以立夏夏至之日正中朱書青紙上南向服之行事訖朱書符桐

板上記某年某月某日子某郡縣某鄉里某

嶽先生某年若干歲某月生於符下以赤石八兩赤絲纏之著符投於南流之水行其道

常以其日清齋入室燒香南向叩齒十二通

思南海水帝神王姓開諱納靈頭建太晨寶明之冠衣赤錦文帟帶交靈紫綬九色擊震

乘蛟龍飛行雲輪從南海水帝十二仙掾乘十二飛龍上詣高皇玉帝徘徊青雲迴降我

身青炁鬱鬱冥神王對坐我前削我罪簡注我

仙錄微祝曰


南陽赤淵萬谷洞泉帝君安鎮總領水仙校定罪簡記功紫晨日吉時清巨龍策煙徘徊

玄虛來降我軒與炁混合道成自然制魔賊

精攝海封山六師啓道通我水源與雲降雨  
嘯命立前所願所啓靡不如言飛行上清朝  
謁玉晨畢仰咽炁八過止便依法投符南流  
之淵行之十八年水官無復罪目之簡神王  
列名於

玉皇降致雲龍丹輿飛行太空登山涉海萬  
神衛迎洞徹入玄與帝合真輕泄靈文罰以  
五帝神兵秘之者仙

西海水帝洞淵白炁班符



太上洞淵白炁班符常以立秋秋分之日晡  
時朱書青紙上西向服之行事訖朱書符桐  
板上記某年某月某日某郡縣某鄉里某嶽  
先生某年若干歲某日生於符下以白石六  
兩白絲纏之著符投於西流之水行其道當

以其日清齋入室燒香西向叩齒十二通思  
西海水帝神王姓道諱洞清頭建太晨寶明  
之冠衣素錦飛帔帶素靈命神之章九色師  
虎頭鬚囊乘飛輿從西海水帝十二仙掾乘  
十二白虎飛行玄虛上詣高皇玉帝徘徊玄

空青雲之中迴真下降對在我前削我罪簡  
注我仙錄列奏玉帝之前微祝曰

賜谷萬文洞淵九流十二帝府九江水侯上  
統玉虛下領神州是日上吉神王出遊掌我  
命籍保我玄符迴真曲映來降我廬削我罪  
簡勅上天書道義自然變昇雲輿混合元吉  
與帝并軀畢仰咽六炁止便依法投符西流  
之淵行之十八年則能洞行西海復萬丈之  
淵海神衛迎不拘水契降致龍輿飛行太虛  
水官削罪言名帝皇其道高妙不行於世有  
見其文不學自仙

北海水帝洞川黑炁班符



太上洞川黑炁班符以立冬冬至之日夜半  
時朱書青紙上北向服之行事訖朱書符於  
桐板上記某年某月某日某郡縣某鄉里某  
嶽先生姓某年若干歲某月生於符下以黑

石五兩黑絲纏之著符投於北流之水行其  
道當以其日清齋入室燒香北向叩齒十二  
通思北海水帝神王姓諱諱淵元頭建太晨  
寶明之冠衣玄錦飛帔帶豁落七元五色虎  
頭鬚囊乘玄霞飛輿從北海水帝十二仙掾  
乘十二飛龜遊行玄虛上詣高皇玉帝徘徊  
玄靈之上營營青炁之中迴真下降對在我  
前削我罪簡注我玉篇列言上清玉皇帝前  
便微祝曰

天地分流四瀆御清三河水府九江帝靈檢  
定簡錄結罪四明有道者功有過者刑今日  
上吉帝曉我庭流真迴降我仙自成三河四  
海來衛我形千變萬化應口立生飛行玄虛  
上昇八冥長保三光天地齊停畢仰咽八炁  
止便依法投符北海之淵行之十八年命召

水侯十二蛟龍運水與雲使白日闔冥飛行  
虛空上昇玉清其法高妙非真勿行違禁要  
傳訣滅兆身考延七玄唯松神仙

太上九赤班符結飛玄紫炁以成其文上真  
帝君以封嶽召山攝江制靈其文洞微煥落

上清元始天王藏之於瑤臺金房玉虛之中  
舊科七千年一傳自無金名玉宇丹文玄臺

不得參聞有見其文尅成上仙當依法八節  
之日服符禮祝并埋山投海九年之中則五

嶽仙官侍衛兆身水帝水靈隨方伺迎五帝  
奏名玄宮水官落滅罪書龍降雲覆變化無

方又當依常彩色書符佩身登山履川萬神  
衛形滅魔消試威制羣精五雲降室紫煙自

生項負圓光內外洞明八景齊真三元降軒  
飛行玄虛上昇玉清

有金名玉骨寶字上清得有此符佩之三年  
便得為五嶽真人履川涉海便為四海君王

五帝輔翼萬神敬迎修行其事九年則能水  
行萬丈制御蛟龍入山隱學則五帝五嶽見  
形共言與雲起而立召龍煙千變萬化應響

已成修之十八年飛行上清其道高妙不行  
於世輕泄靈文七祖克責已身亡命長保鬼

官受者弟子師對齋三十日或七日齋上金  
三兩五色文縑各五十尺錦四十尺上香一

斤詣五嶽之巖告五帝關五靈三河四海天  
官地官水官依四極之盟然後而傳受者不

關天靈侍經玉童五女列奏  
高上罰以五帝神兵輕泄者罰於九祖考滅

已身受而不盟殃延七祖身被風火自然夫  
經故上元君告於五帝經非盟而不告受不

關而失真彼此皆有生死之責學者宜依文  
而奉焉道無不降仙無不成生死享其慶福

流於種親靈文至重斯道之極真也



太上九赤班符五帝內真經

洞真太一帝君太丹隱書洞真玄經 廣二

一名三元浩篇

紫微夫人初受此經時先作此誦曰

絳景浮玄晨紫軒舉雲征仰超金闕內俯躬  
西華城東霞啓五暉神元煥七靈翳映紀三

燭流任自齊冥風鼓空洞宇香煙散玉庭手  
攜織女儻雙衿落錦青左徊文羽旌華蓋隨

雲傾宴寢九竄外是非不我管抱空泥丸內天  
塗與日嬰豈同懋穢中慘慘無聊生扶桑翠

空峯朱靈葩微明滄臺膏虛上四觀映高清  
飛景控紫輪三素轡丹輶偃安太帝館教曹

阿母庭灌漱碧瀨波提契玉醴覽曲晨來風  
扇瑤庭時下傾整適地藹中迴駕泥良貞玄

會自相要流浪任玄冥始知榮辱辛方悟憂  
促齡曲室可清淨願真待日成何為講當墜

百病從是生

紫微夫人姓王諱清娥字愈言云是西王母  
第二十四女紫微宮在北溟外羽明野玄壘

山玄壘山在崑崙山之東北紫微說阿母言  
曰欲存服日月悉者當知日月景象日圓形